

重刊武功縣志卷之三

人物志第六

軍昌府志
凡例云康
太史志武
功海內推
焉后稷聖
人唐祖太
宗帝王俱
收之人物
不另標題
或疑其變

太史曰太
華高羣山
倚重奚襄
哉此名言
鉅識也

史記后稷名棄其母有邠氏女曰姜原姜原為帝嚳元妃姜原出野見巨人迹心忻然說欲踐之踐之而身動如孕者居期而生子以為不祥棄之隘巷馬牛過者皆辟不踐徙置之林中適會山林多人遷之而棄渠中冰上飛鳥以其翼覆薦之姜原以為神遂收養長之以初欲棄之因曰棄棄為兒時屹如巨人之志其遊戲好種樹麻菽麻菽美及為成人遂好耕農相地之宜宜穀者

卷之三

稼穡焉民皆法則之帝堯聞之舉棄為農師天下得其利有功封棄于郟號曰后稷帝舜曰棄黎民阻饑爾后稷播時百穀別姓姬氏后稷之興在陶唐虞夏之際皆有令德后稷卒子不窋立

韓詩章句姜姓原字或曰謚號也詩傳名原

唐高祖神堯皇帝姓李氏諱淵字叔德隴西成紀人涼武昭王暠七代孫自暠五世有名天賜者為魏幢主生虎有功于周與李弼等八人皆拜柱國號八柱國周受魏禪追贈唐國公虎生昞昞生高祖獨孤皇后高祖之

從母也故文帝與高祖相親愛大業中爲岐州刺史治于武功而家焉所謂慶善宮也太宗實生于此大業十三年高祖爲太原留守時煬帝南遊盜賊蜂起太宗知隋必亡陰結豪傑舉大事懼帝不從因與裴寂選晉陽宮人私事帝乃告之五月以詐殺副留守王威高君雅與突厥連和遂起兵而有天下在位九年傳之太宗

幢音牀旛幢旌旂之屬

獨孤皇后文帝后

太宗皇帝諱世民神堯次子母曰太穆后竇氏開皇十八年己卯十二月戊午生帝于武功宅有二龍之瑞方

卷之三

二

四歲有書生謁高祖曰公在相法貴人也必有貴子及見太宗曰龍鳳之姿天日之表年幾冠必能濟世安民書生去高祖懼其語泄使追殺之不知所往因以爲神乃采其語名之曰世民大業中突厥圍煬帝于鴈門帝年十六應募往救遂隸將軍雲定興部下設疑示口口遂引去後高祖起兵徇西河斬其郡丞高德儒至霍邑會天久雨高祖欲還兵太宗諫曰義師爲天下起也宜直入咸陽號令天下今守一城是爲賊耳高祖不納太宗哭于軍門高祖驚召問之曰還則衆散于前敵乘于

史記王使游孫伯服請滑此傳

多一伯字衡按伯服游孫伯見

左傳

子頽莊王子釐王弟

惠王之叔父也有寵

作亂惠王奔溫頽為

王鄭與號君伐殺頽

復入惠王太叔襄王

弟叔帶也譚伯周大

夫漢書蘇建

後死亡須臾所以悲耳高祖寤曰起事者女也成敗惟女遂進兵克長安定四方累進中書令初高祖起太原非其本意而事出太宗及取天下太宗功益高高祖屢許以為太子建成懼廢與齊王元吉日謀害太宗九年六月太宗以兵入元武門殺太子建成及齊王元吉高祖聞之大驚遂以太宗為皇太子八月甲子即皇帝位帝聰明英武其除隋之亂比迹湯武致治之美庶幾成康自古功德兼隆漢以來未之有也

卷之三

伯服游孫伯如鄭請滑鄭人不聽王命而執二子王怒將以翟伐鄭富辰諫曰凡我周之東徙晉鄭焉依子頽之亂又鄭之由定今以小怨棄之王不聽十五年王降翟師以伐鄭王德翟人將以其女為后辰又諫王王弗聽後大叔通于翟后王絀翟后翟人來誅殺譚伯富辰曰吾數諫王不從如是不出王以我為懟乎乃以其屬死之

漢蘇建其上世因封居故蘇城蘇忿生為周司寇居河內後徙武功杜陵故建或稱為杜陵人以校尉從大將

杜陵人唐宰相世系表蘇忿生徙武功杜陵建徒扶風平陵

軍青擊匈奴封平陵侯以將軍築朔方後以衛尉為遊擊將軍從大將軍出朔方後一歲以右將軍再從大將軍出定襄亡翁侯失軍當斬贖為庶人後為代郡太守卒官有三子嘉奉車都尉賢騎都尉中子武自有傳

史記翁侯趙信為前將軍匈奴誘之遂將其餘騎八百降單于建盡亡其軍獨以身歸

蘇武字子卿少以父任為郎稍遷至移中殿監時漢連伐胡數通使相窺匈奴留漢使前後十餘輩及匈奴使來漢亦留之天漢元年且鞮侯單于初立恐漢襲之迺盡歸漢使武帝嘉其意遣武以中郎將使持節亦送匈奴

卷之三

常引武副張勝知謀斬常勝請降

武杖漢節牧羊臥起操持節旄盡落

元與上官桀子安有謀

奴使歸因厚賂答單于單于見漢幣遺益驕方欲發使送武等會緱王與虞常謀反匈奴中單于使衛律論虞常欲因以降武武不動律更曲為說武武罵絕之律知武終不可脅白單于單于益欲降武置武大窖中絕不飲食天雨雪武臥齧雪與旃毛并咽之數日不死匈奴以為神乃徙北海上牧羝羝乳乃歸李陵降後單于又使陵往說武陵因武有悲心焉昭帝即位遣使求武陽言天子射上林得雁足繫帛知武所在單于驚始還武及其官屬尚在者惠等九人始元六年春武至京師拜

典屬國子元坐法死以別子通國為郎

移音移移中廢名 且子閻切鞮丁奚切且鞮侯犁

胡單于之弟 緱王者昆邪王姊子也 虞常長水

人 衛律使匈奴會李延年家收律懼并誅亡還

害工孝反大害舊積米粟之害而空者 惠常惠也

惠初以假吏

隨武往匈奴

趙禹以佐史補中都官用廉為令史事太尉周亞夫亞

夫為丞相禹為丞相史府中皆稱其廉平武帝時禹以

積勞遷為御史上以為能至中大夫與張湯論定律令

禹為人廉裾為史以來舍無食客公卿相造請禹終不

行報謝務在絕知友賓客之請孤立行一意而已嘗中

廢已為廷尉始條侯以禹賊深及禹為少府九卿酷急

至晚節益事多吏務為嚴峻而禹治加緩名為平王溫

舒等後起治峻禹禹以老徙為燕相數歲詩亂有罪免

歸後十餘年以壽卒于家

卷之三

歸後十餘年以壽卒于家

中都官若京都府史 裾讀與倨同 禹終不行句

報謝務在孤立行一意師古曰以此意告報公卿

史記張湯傳禹終不報謝 條侯亞夫也 為少府

九卿史記及禹為少府比九卿 王溫舒陽陵人

詩布內反心

意昏惑也

後漢蘇竟字伯況平帝時以明易為博士講書祭酒善

圖緯能通百家之言王莽時與劉歆共典校書拜代郡

前漢書酷吏傳趙禹 蔡人也

後漢書蘇竟扶風平陵人

中尉時匈奴擾亂北邊多罹其禍竟終完輯一郡光武
卽位就拜代郡太守尋拜侍中以病免初鄧仲况擁兵
據南陽陰縣爲寇而劉歆兄子龔爲謀主竟時在南陽
以書曉之于是仲况龔降竟終不伐其功潛樂道術作
記誨篇及文章傳于世年七十卒于家

竟爲講尙書祭酒 仲况延
岑護軍 龔字孟公善議論

蘇純字桓公建六世孫也有高名性強切而持毀譽士
友咸憚之至私相謂曰見蘇桓公患其教責人不見又
思之三輔號爲大人永平中爲奉車都尉出擊北匈奴

卷之三

車師有功封中陵鄉侯官至南陽太守

大人長老之稱 後漢書純爲奉車都尉竇固軍
出擊北匈奴車師有功據此純未爲奉車都尉

李育字元春少習公羊春秋沈思專精博覽書傳知名
太學深爲同郡班固所重固奏記薦育於驃騎將軍東
平王蒼由是京師貴戚爭往交之州郡請召育到輒辭

病去常避地教授門徒數百頗涉獵古學嘗讀左氏傳
雖樂其文采然謂不得聖人深意以爲前世陳元范升
之徒更相非折而多引圖讖不據理體于是作難左氏

義四十一事建初元年衛尉馬廖舉育方正爲議郎後

衡按此傳
本後漢書
蘇章傳爲
奉車都尉
下有竇固
軍三字原

註似讀爲
字作去聲
連屬下句
故云未爲
奉車都尉
誤矣
後漢書李
育扶風漆
人
蒼光武子

元字長孫
廣信人升
字辯卿代
郡人

廖子豫爲
步兵校尉

坐投書怨
謗免廖歸
國

後漢書蘇
章扶風平
陵人八世
祖建

拜博士四年詔與諸儒論五經于白虎觀育以公羊義
難賈逵往返皆有理證稱為通儒再遷尙書令及馬氏
廢育坐為所舉免歸歲餘復徵再遷侍中卒于官

蘇章字儒文純子也少博學能屬文安帝時舉賢良方
正對策高第為議郎數陳得失其言甚直出為武原令
值歲饑輒開倉廩活三千餘戶順帝時遷冀州刺史故
人為清河太守章行部案其姦賊乃請太守設酒肴陳
平生之好甚歡太守喜曰人皆有一天我獨二天章曰
今夕儒文與故人飲者私恩也明日冀州刺史案事者

卷之三

公法也遂舉正其罪州境望風畏肅改并州刺史以摧
折權豪忤旨坐免隱身鄉里不交當世後徵為河南尹
不赴卒于家

蘇謙章兄孫也初為郡督郵時魏郡李嵩為美陽令與
中常侍貝瑗交通貪暴為民患前後監司畏其勢援莫
敢發問及謙至部案得其贓論輸左校謙累遷至金城
太守去郡歸鄉里後私至洛陽嵩為司隸校尉為嵩所

害

漢法免罷守令非詔徵不得到京師
嵩收謙詰掠死獄中嵩又刑其屍

貝後漢書
作具

蘇不韋字公先謙子也年十八徵詣公車會謙見殺載其喪歸瘞而不葬仰天歎曰伍子胥何人也乃藏母于武都山中變姓名募劍客刺嵩不克又潛鑿地旁達嵩寢殺嵩值嵩在厠止殺其妾及其子留書而去更以其父首祭謙嵩因憤恚死不韋始改葬行喪後不韋竟以嵩客陷死

按唐宰相世系則爲

子胥父奢爲楚王所殺子胥復讐不韋日夜飛馳徑到魏郡掘嵩父阜塚斷取阜頭以祭父墓武威段熲與嵩素善熲爲司隸乃追咎不韋前報嵩事使從事張賢就家收執并其一門六十餘人盡誅滅之

卷之二

并州刺史章五世孫三國志魏書蘇則扶風武功人魏志西平麴演叛則勒兵討之非謂則平演也昭字公仁定陶人歷官太僕傅巽官侍中

才辟公府皆不就起家爲酒泉太守轉安定武都所在有威名太祖征張魯過郡說之使爲軍導魯破徙金城太守太祖崩西平麴演文帝以其功加護羌校尉賜爵關內侯後演復結旁郡爲亂則悉平之進封都亭侯邑三百戶徵拜侍中董昭嘗枕則膝臥則推下之曰吾膝非佞人枕也初則及臨菑侯植聞魏代漢皆發服悲哭文帝聞植不聞則也問曰吾受禪而有哭者何也則須顏悉張方正論極對傅巽指曰不謂卿也於是乃止文帝以前敦煌獻徑寸大珠復欲求市則對曰陛下化治

中國卽不求自至求而得之不足貴也帝默然後從帝
獵槎桎拔失鹿帝怒收督吏將斬之則稽首曰陛下欲
隆唐堯之化而以獵戲殺羣吏臣敢以死請帝曰卿直
臣也遂赦之然以此見憚黃初四年左遷東平相未至
道病薨謚剛侯

山濤啟事
稱愉忠篤
有智意子
紹字世嗣
為吳王師
紹弟慎左
衛將軍

晉蘇愉字休豫魏侍中則弟二子也兄恬襲侍中爵為
都亭侯恬死無子愉更襲封都亭侯晉受魏禪以為太
常卿遷光祿大夫至尙書卒

後魏蘇稚字天祐魏侍中則之後位至中書侍郎玉門

卷之三

郡守

蘇祐稚子也官至泰山郡守

蘇協亦稚子為武功郡守

蘇亮字景順祐子也少通敏博學好屬文善章奏與弟

湛讓又從弟綽皆著名西土初舉秀才齊王蕭寶夤引

為參軍寶夤敗孝武西遷遷吏部郎中大統二年拜給

事黃門侍郎領中書舍人宜都王為秦州刺史文帝以

亮為司馬謂亮曰黃門侍郎豈可為秦州司馬直以朕

愛子出藩故以心腹相委耳賜以御馬八年封臨涇縣

周書云亮
祖權魏書
云湛父擁
字天祐存
考

北史亮少
與從弟綽
俱知名世
稱二蘇亮

過河內常
景景謂人
曰秦中才
學可以抗
山東將此
人乎

子除中書監領著作修國史亮有機變善談笑周文帝
為丞相甚重之有所籌議率昭會其旨記人之善忘人
之過薦達後進如恐弗及故當世敬慕焉歷祕書監大
行臺尚書出為岐州牧十年徵拜侍中卒所著文都數
十篇行于世子師嗣起家黃門侍郎

蕭寶夤齊明帝鸞第六子東昏侯寶卷母弟也寶夤
作亂以亮為黃門侍郎 孝武修西奔都于長安是
為西魏 文帝寶炬孝文帝孫 宜都王名式
周文帝泰姓宇文氏 文都北史周書俱作文筆

蘇湛字景儁少有志行頗涉羣書年二十餘舉秀才除
奉朝請領侍御史加員外散騎侍郎蕭寶夤討關西以

卷之三

儉天水人
湛從母弟
時湛臥疾
于家

為行臺郎中寶夤反令姜儉報湛湛舉聲大哭儉止之
湛曰百口居家即時屠滅云何不哭王以窮鳥依人朝
廷假王羽翼榮寵至此今國步多虞不能竭忠報德乃
欲乘人閒隙以羸敗之兵守關問鼎破亡之期不旋踵
矣湛不能以積世忠貞之基為王族滅也願乞骸骨還
鄉里寶夤知湛不為己用于是聽還武功寶夤敗莊帝
徵湛拜尚書郎謂之曰聞卿答蕭寶夤甚有美辭湛頓
首謝曰臣與寶夤周旋契闊言得盡心而不能令其守
節臣之罪也莊帝大說加散騎侍郎尋遷尚書孝武初

以疾卒于家贈散騎常侍鎮西將軍雍州刺史

魏書蕭衍既克建業將害寶夤寶夤穿牆夜出至壽春之東城主杜元倫任城王澄迎之時年十六至京師世宗禮之甚重孝昌三年反永安三年賜死加散騎侍郎尋遷尚書本傳云拜散騎都尉仍領郎遷

中書侍郎

北史云讓頗有人倫鑒

蘇讓字景恕幼聰明好學初為本州主簿稍遷別駕武都郡守鎮遠將軍金紫光祿大夫周文帝為丞相引為府屬甚見親待出為衛將軍南汾州刺史有善政卒于官贈車騎大將軍儀同三司涇州刺史

北史蘇綽魏侍中則

後周蘇綽字令綽後魏武功郡守協子也綽少好學博覽羣書尤善算術從兄讓為汾州刺史周文為魏丞相

也之九世孫

卷之三

周書綽始制文案程式朱出墨入及計帳戶籍之法

餞於都門外謂曰願言君家子弟可任用者讓因舉綽召為行臺郎中凡臺中公文皆綽與條式臺中稱能焉僕射周惠達與文帝論事乃綽所量定文帝異之曰孰與為此議者惠達曰郎中綽也後文帝與公卿觀魚昆明池問故倉地得綽對愈益敬禮乃更泛論天地造化之始歷代興亡之故並馬徐行及池不漁而返詢訪政道夜以達曙整衣而坐不覺其膝之前也即拜大行臺左丞參典機密大統十一年授大行臺度支尚書領箸

作監司農卿文帝方欲革易時政務行疆國富民之道故綽益盡智能牧守令長非通綽六條及計帳不得居官文帝厭文章浮華因魏帝祭廟羣臣畢至乃命綽爲大誥奏行之其文與六條俱見本傳綽性儉素不事產業家無餘財以海內未平常以天下爲己任文帝亦推心委任十二年卒于位年四十九也子威嗣

周文謂周文帝泰 周惠達字懷文文安人 故倉地北史云漢故倉地 六條一先修心二敦教化三

盡地利四擢賢良五恤獄訟六均賦役

蘇椿字令欽綽弟也性廉慎沈勇有決斷魏正光中關

卷之三

文帝謂周文帝

領兵北史云領鄉兵

右賊亂椿應募討之授盪寇將軍以功累遷中散大夫賜爵美陽子大純初拜鎮東將軍金紫光祿大夫除都督行宏農郡事椿當官強濟特爲文帝所知十四年置黨州鄉師自非鄉望允當衆心不得預焉乃令驛追椿領兵其年破槃頭氏有功除散騎常侍加大都督十六年征隋郡軍還除武功郡守旣爲本邑以清儉自居小大之政必盡忠恕進爵爲侯位驃騎大將軍開府儀同三司大都督卒子植嗣

隋蘇威字無畏魏度支尙書綽子也襲爵美陽縣公仕

功曹本傳
作吏曹

高祖謂隋
文帝

郡功曹周革命宇文護以其女新興公主妻焉初威惡
護專權乃逃入山中未幾授使持節車騎大將軍儀同
三司改封狄道縣公宣帝嗣位就拜開府高祖爲丞相
高顛屢言其賢召入臥內與語大說高祖受禪徵拜太
子少保追贈其父爲邳國公以威襲焉尋兼納言民部
尙書多讜言直論語在本傳煬帝立加威上大將軍楊
元感反帝曰此兒聰明將不爲患邪威諷之曰所謂聰
明者識是非審成敗也元感麤何謂聰明直恐亂自此
階耳與宇文述對盜賊事威曰往但據長白山今近在

滎陽泗水耳復問伐遼東威請赦羣盜遣討高麗上益
怒值御史大夫裴蘊希旨劾威詔威除名尋從幸江都
帝欲復用威蘊等奏威昏耄乃止宇文化及旣弒帝以
威爲光祿大夫開府儀同三司化及敗歸李密密敗歸
東都越王侗以爲上柱國邳公王世充僭號署太師太
宗平王世充威請謁見稱老病不能拜起太宗遣人數
威曰公隋室宰輔政亂不能匡救遂令品物塗炭君弒
國亡見李密王世充皆拜伏舞蹈今旣老病無勞相見
也尋歸長安請見高祖又不許卒于家年八十二歲

素字處道
周汾州刺
史敷子
安字栖鳳
西城人

北史本傳周文帝時襲爵美陽縣公 宇文護周文
帝泰長兄邵惠公顥子 高頴字昭元 一名敏渤海
蔭人 兼民部尚書按本傳文帝九年拜尚書右僕
射 加威上大將軍按本傳以本官領右武衛大將
軍賜爵房陵侯尋進封房公 楊元感隋越國公素
子 宇文述代郡武川人父盛仕周位上柱國 裴
蘊聞喜人祖平父忌並
南史有傳 化及述子

蘇夔字伯尼威子也起家為太子通事舍人楊素奇之
素每戲威曰楊素無兒蘇夔無父後與鄭譯何妥議樂
不行箸樂志十五篇以自見仁壽三年詔天下舉達禮
樂源者晉王昭為雍州牧舉夔與諸州所舉五十餘人
謁帝帝指夔謂侍臣曰惟此一人稱所舉于是拜晉王

卷之三

十四

友煬帝嗣位歷太子洗馬鴻臚少卿關中盜起詔夔巡
關中以功進位通議大夫坐父事除名後會丁母憂不
勝哀卒時年四十九

北史夔博覽羣言尤以鍾律自命
初名哲字知人父威由是改之

唐劉文靜字肇仁父韶仕隋戰死贈上儀同三司文靜
以死難子襲儀同儻有氣略大業末為晉陽令與晉
陽宮監裴寂善寂夜見邏堞傳烽歎曰天下方亂吾將
安舍文靜笑曰如君言英豪所資也吾二人可終羈賤
乎高祖為唐公鎮太原文靜察有大志深自結納既又

氣略唐書
作器略

見秦王謂寂曰唐公子非常人也豁達神武漢高祖魏太祖之徒與俄坐李密親繫獄秦王顧它無可與計者私入視之文靜喜挑言曰喪亂方剡非湯武高光不能定也王曰今過此非兒女子相愛直欲與共大計文靜曰上南幸兵填河洛盜賊蟄結大連州縣小阻山澤誠能投天會機奮義大呼則四海不足定也今汾晉避盜者文靜素知其豪傑一朝號召十萬衆可得也加尊公府兵數萬一下令誰不願從鼓而入關以震天下王業成矣王笑曰君言正合我意于是卒起兵以文靜爲司

馬竟平隋有天下後爲裴寂所構與弟文起並坐法貞觀三年詔追復官爵蘇世長祖彤仕後魏通直散騎常侍父振周巖州刺史建威縣侯父死王事詔世長襲爵入隋爲長安令大業末爲都水少監煬帝被弒發喪慟聞行路更爲王世充太子太保戍襄陽高祖與之舊數遣使喻降世長輒殺之洛陽平始歸帝帝誚世長世長對曰古帝王受命以比逐鹿一人得禽萬夫斂手豈有獲鹿後忿同獵者問爭肉罪邪帝笑釋之授玉山屯監引見元武門與語平

瓊綱目作
傾集覽汲
冢古文曰
夏桀作傾
宮彈百姓
之財

秦修括地
志上之

生後又拜諫議大夫帝欲獵武功時武功新經突厥之
寇世長諫之不聽後與宴披香殿世長曰此殿煬帝作
邪何雕麗底此帝曰卿好諫似直然詐也顧以我所作
爲煬帝邪對曰臣聞瓊宮鹿臺非受命聖人所爲者陛
下武功舊第才蔽風雨時以爲足今天下方厭隋侈以
歸有道宜刈淫奢復樸素乃雕飾如此欲易其亂得乎
帝咨重其言歷陝州長史天策府軍諮祭酒引爲學士
貞觀初使突厥與頡利爭禮不屈拒卻賂遺朝廷壯之
出爲巴州刺史舟敗溺死

卷之三

去

蘇勗字慎行武德中爲秦王咨議典籤文學館學士尙
南康公主拜駙馬都尉遷魏王泰府司馬博學有美名
泰重之勸開館引文學士著書名家歷吏部侍郎太子
左庶子卒

蘇良嗣世長子也高宗時爲周王司馬王年少不法良
嗣數諫王以法繩府官不職者甚見尊憚帝異之遷荆
州長史帝遣宦者采竹蒔上苑所過縱暴至荆良嗣囚
之上書言狀帝下詔慰獎取竹棄之徙雍州垂拱初遷
冬官尙書拜納言封溫國公留守西京賞遇尤渥尙方

監裴匪躬建言鬻諸苑果蔬儲利良嗣曰公儀休拔葵去織未聞天子賣果蔬與人爭利遂止遷文昌左相同鳳閣鸞臺三品遇辭懷義于朝懷義偃蹇良嗣怒叱左右批其頰曳去武后聞之戒曰第出入北門彼南衙宰相行來毋犯之載初元年罷左相加特進仍知政事與韋方質素不平方質坐事誅引逮之后辯其非良嗣慙謝不能興輿還第卒年八十五詔百官往弔贈開府儀同三司益州都督

蘇瓌字昌容隋僕射威曾孫也擢進士第歷朗歙二州

卷之三

七

俊臣未至州追還

普思以妖幻位祕書員外監支黨徧岐隴開相煽迷爲亂

刺史來俊臣貶州參軍人懼其復用多致書請瓌瓌叱其使曰吾忝州牧能過待小人乎俊臣恨之由是連外徙不得入神龍初始入爲尙書右丞再遷戶部尙書拜侍中留守京師中宗復政力歐鄭普思流儋州累拜尙書右僕射同中書門下三品進封許國公中宗崩遺詔太后臨朝相王以太尉輔政宗楚客阻之瓌正色曰遺制乃先帝意安得輒改韋氏敗睿宗卽位進左僕射景雲元年老病罷爲太子少傅卒年七十二贈司空荊州大都督諡曰文貞開元二年擢中子乂左補闕六年詔

庭碩一作
延碩

配享睿宗廟庭太和中錄舊德官其四代孫翔
蘇幹瓌從父勗子也擢明經授徐王府記室參軍王好
畋每諫止之垂拱中遷魏州刺史河朔饑前刺史苛暴
百姓流徙幹檢吏督姦勸課農桑由是流宄盡復以治
稱拜右羽林將軍遷工部尙書來俊臣素忌之誣幹與
琅邪王沖通書繫獄發憤卒

蘇頲字庭碩瓌子也幼敏悟一覽千言能覆誦第進士
調烏程尉再遷監察御史被詔覆來俊臣冤獄多所洗
宥遷給事中修文館學士拜中書舍人時瓌同中書門

卷之三

六

李德裕曰
近世詔誥
惟頲敘事
外自爲文
章

下三品父子同在禁苑朝廷榮之元宗平內難凡制詔
皆頲所爲又遷工部侍郎以父喪不拜終制後詔以爲
中書侍郎知制誥始給政事食尋襲封許國公開元四
年進同紫微黃門平章事修國史與宋璟同當國璟剛
正多所裁決頲能推其長帝前敷奏璟有不及輒助成
之故帝皆納焉璟曰吾與蘇氏父子同爲宰相僕射長
厚自是國器若獻可替否事至卽斷公不顧私則今丞
相過之八年罷爲禮部尙書又檢校益州大都督長史
按察節度劍南諸州從封太山詔頲朝覲壇世咨其文

通鑑分吏部爲十銓以頌等十人掌之

還分主十銓事卒年五十八詔贈右丞相諡日文憲文章與張說齊名時號燕許大手筆云

蘇誥字廷言頌弟也舉賢良方正高第累轉給事中時頌爲紫微侍郎固辭帝曰朕自用誥卿奚不若祁奚也出爲徐州刺史治有良迹贈吏部侍郎

光遠時爲京兆尹

蘇震誥子也以蔭補千牛十餘歲強學有成人風累遷殿中侍御史長安令祿山陷京師震與崔光遠殺開遠門吏棄家出奔會肅宗興師靈武震晝夜馳赴行在帝嘉之拜御史中丞遷文部侍郎廣平王爲元帥以震爲

卷之三

糧料使二京平封岐陽縣公改河南尹累封岐國公拜太常卿代宗幸東都復以爲河南尹未行卒贈禮部尙書

武后年號

此傳當在蘇頌前

富嘉謨舉進士長安中累轉晉陽尉時新安吳少微亦

尉晉陽旣相友善有魏谷倚者爲太原主簿並負文辭時稱北京三傑天下文章尙徐庾浮俚獨嘉謨少微本經術雅厚雄邁人爭慕之號吳富體預修三教珠英韋嗣立薦嘉謨少微並爲左臺御史已而嘉謨死少微方病聞之爲慟亦卒

嘉謨行集十卷今存明水詩一首

則天詔張昌宗撰三教珠英于內引文士李嶠等二十六人分門撰集成一千三百卷徐堅論近世文章說曰富嘉謨如孤峯絕岸壁立萬仞濃雲鬱興震雷俱發誠可畏也若施於廊廟駭矣開元中張說與

蘇源明初名預字弱夫少孤寄居徐兗工文辭有名天寶間及進士第更試集賢院累遷太子諭德出爲東平太守詔爲國子司業祿山陷京師源明以病不受僞官肅宗復西京擢考功郎中知制誥值禁中禱祠窮日夜而史思明陷洛陽詔幸東京親征源明上疏極諫帝嘉其切直遂罷東幸以祕書少監卒

按唐書弁良嗣從孫

時宰相王璵以祈禱進

卷之三

三

縣令計事在府官屬皆惶恐欲遁走弁曰昔肅宗幸靈武至新平安定二太守坐伏匿斬以徇諸君知之乎衆乃定車駕至儲峙畢給帝嘉之試大理司直朱泚平進監察御史累擢倉部郎中判度支裴延齡死帝召弁見延英賜紫衣金魚以度支郎中副知度支事位郎中上度支有副自弁始弁通學術吏事精明承延齡後平賦緩役略煩苛人賴其寬久之遷戶部侍郎判度支改太子詹事尋坐腐粟貶汀州司戶參軍是時兄袞爲贊善大夫冕京兆士曹參軍以弁故貶袞永州冕信州皆司

此傳當在蘇良嗣蘇環之間唐書孝友列傳元讓雍州武功人

按唐宰相世系表蘇迨子蒙蒙子檢通鑑檢數為偃經營入相且遣親吏告偃偃怒曰公不能有所為乃欲以此相汙耶

戶參軍袞年老瞶不能視帝閱之聽還又有稱冤才者帝悔不用重追冕遂不復用數年起弁為滁州刺史卒弁聚書至三萬卷手自讐定當時稱與祕府埒云

蘇鶚未詳其行事崔豹古今註云有行義集十卷

元讓擢明經以母病不冑調侍膳不出閭數十年母終

廬墓次廢櫛沐飯菜飲水咸亨中太子監國下令表闕

于門永淳初巡察使表讓孝弟卓越擢太子右內率府

長史歲滿還鄉里人有所訟皆詣讓判中宗在東宮召

拜司議郎入謁武后望謂曰卿孝于家必能忠于國宜

卷之三

三

以治道輔吾子尋卒

蘇檢字聖用舉進士歷中書舍人昭宗天復二年拜工

部侍郎同中書門下平章事朱全忠崔允反復為姦朝

廷急于累卵檢以韓偓有才辨數言于李茂貞欲以相

偓偓陰附允知事不可不冑拜初茂貞與諸宦者恐上

自別用人故協力薦檢明年二月丙子允與全忠竟害

檢

夫蘇氏除世長至弁史各有傳予讀唐書宰相世表觀

其人至繁衍顯盛也今略序之使好事者得誦說焉按

澄尚壽安
公主明皇
女也

表蘇氏猶有祕書監一人踐言都督一人琛駙馬都尉

二人彥伯雲郎中二人綰工部獻駕部刺史八人亶台

州澄沁州均虔州務寂梓州妙永州易黃州奕光州繫

滁州太府卿一人檀太守一人顏淮安驍衛將軍一人

驍國子司業一人虔王傅一人盈而其系推自平陵侯

檢別為蘇氏非平陵侯後

踐言良嗣子 琛亶次子 彥伯良嗣孫 雲良嗣

曾孫 綰澄子 獻幹子 亶夔子 澄威孫 均

勗子 務寂踐言子 妙父子 易頰孫 奕訖孫

繫易子 檀良嗣元孫 顏瓌子 驍琛子 虔

字執儀繫孫 盈瓌孫嘉王傅 按表又有濟州刺

史昱幹弟 又按良嗣傳踐言子務元邠王府長史

卷之三

三

宋蘇曉字表東父瓚仕後唐歷祕書少監曉宋初為淮

南轉運使歲入百餘萬緡開寶三年遷司勳郎中改西

川轉運使仍掌京城市征發李守信賊拜右諫議大夫

判大理寺卒年七十三然深刻少恩非長者云

李守信市木秦隴間盜官錢鉅萬既受代為部下所
發至中牟自剄於傳舍太祖命曉按之逮捕甚衆

游光濟官至大理寺丞贈朝請郎子師雄最知名

蘇昞字季明與游師雄同學于張載乃後昞又卒業二

程元祐末呂大忠薦之起布衣為太常博士坐元符上

書入邪籍編管饒州卒

曉歷官左
諫議大夫

大忠宋史作大中

順德軍宋史作德順軍

議棄四砦事執政不聽因箸分疆錄

七聖當作七砦

范育字巽之三水人解子

熙河宋史作熙州

大忠字進伯大臨之兄薦兩謂其德性純茂強學篤志行年四十不求仕進真西山讀書記云胡安國譏兩越職上書必有非所宜言者

游師雄字景叔第進士為儀州司戶參軍順德軍判官與鄜延諸將計議邊事賴以無患元祐初為宗正主簿議棄四砦事甚力執政弗從遷軍器監丞夏人謀分據熙河師雄語劉舜卿制之之策已而皆大捷斬獲幾四千人虜鬼章及其大首領九人遷陝西轉運判官提點秦鳳路刑獄夏人侵涇原復入熙河師雄議于定西通渭之閒建三柵及護耕七聖以固藩籬為無窮之利詔

卷之三

以師雄議付范育入拜禮部員外郎加集賢校理為陝西轉運使計轉輸事上皆從之有詔詣闕哲宗勞之曰洮州之役可謂雋功但恨賞太薄耳拜衛尉少卿上數訪邊防利病師雄具慶厯以來邊臣施置之臧否朝廷謀議之得失及方今禦敵之要凡六十事名曰紹聖安邊策上之出知河中府進直龍圖閣知秦州未至夏人擾邊詔攝熙河與使者及秦帥共謀之師雄志在築城守禦而使者方銳于討擊然卒用師雄策自復洮州之後于闐大食佛林邈黎諸國皆懼悉遣使入貢未幾還

秦徙知陝州卒年六十師雄慷慨豪邁少有文學事橫渠張載益得其奧及被委用有志事功議者以用不究才爲恨弟師韓亦以英俊知名子靖竑竑竑皆舉進士傳其家

游靖舉進士爲河南府左軍巡判官管句秦鳳路機宜文字有學行克肖厥父文章簡易順理時以爲工

元康氏諱廷瑞字子安讀書長寧西門原上有弟子數百人宗師子安明性理之學于是稱之曰西原先生後辟爲興化訓導其行事見家譜大傳孫諱汝楫在皇明

最有勳德

汝楫號東里

明一統志

汝楫以儒術起家洪

武初歷官

四川安岳知縣有治績

皇明康氏諱汝楫字濟川洪武初舉明經爲縣學訓導太祖皇帝選天下文學知名之士教太子諸王乃以訓導爲燕王相參錄其軍國事洪武末出爲安岳知縣靖難後太宗皇帝徵赴行在拜行部左侍郎留北京輔皇太子凡城守置治事皆聽便宜行之侍郎有大勳德上將封之爲侯固辭不拜比卒又上表乞勿賜贈諡上竟皆允之一日上召其子俱來值中子年賈在外迺以長子諱爵爲上林苑監左監正季子禮爲監副又賜中子

按明史選
舉志洪武
十八年廷
試擢一甲
進士丁顯
等爲修撰
二甲馬京
等爲編修
此云十三
年進士又
云及第俱
誤
昭舉景泰
四年鄉試

年千金鏹數十千貫敕關津吏往來不得詰察上謂廷
臣曰侍郎忠其子孫必忠聞侍郎尙有孫俟長當并官
之又曰二子初仕或未諳悉法禁錦衣衛可記名有過
勿刺洪熙元年贈工部尙書諱爵字以德在上林卽條
陳山西苑戶久役之苦上皆從之累遷南京大常寺卿
禮字以敬有文名官至右通政太常子諱健字自強天
順初有詔起尙書孫應祀者授通政司知事知事子諱
鏞字振遠世稱康長公以文章名世日日關西夫子仕
爲平陽府知事其言語行事並見家譜大傳子阜字德

卷之三

瞻七歲能詩十八歲死以次子海贈翰林院修撰

馬京字子高少學于康尙書以文學知名洪武十三年
進士及第授翰林院編修永樂初拜行部右侍郎未幾
卒仁宗皇帝贈少傅禮部尙書諡文簡京爲人方正有
才思立朝多所建明上嘉納之然取之囹圄之中而卒
于效用之始故其美大莫究時論惜焉子健以蔭爲太
常寺典簿後至兵部主事天順末主事孫昭舉鄉試後
爲武邑知縣昭子安以例爲國子生終滎河知縣

按明史京與陳壽許思溫瘐死獄中洪熙元年贈滎
祿大夫少傅諡文簡志云取之囹圄之中卒于效用

之始又云贈禮部尚書俱無攷

列女帝嚳元妃姜原有萊氏女也初無子與帝嚳禋祀郊禱以求有子出遇巨人迹說而踐焉震動而孕乃生后稷是為周人生民之祖詩曰厥初生民時維姜原蓋此之謂也餘見史記周本紀

太姜者周太王妃有邵氏女也生太伯仲雍王季太姜有邑而貞順率導諸子至于成童靡有過失太王謀事必于太姜太姜相太王修復后稷之業積德行義至其孫武王遂有天下此太姜之德也

卷之三

滔字連波右將軍實爽之孫朗之第二子也該通經史

金輪皇帝製文云縱橫八寸題詩二百餘首才情之妙超今邁古

苻秦竇滔妻蘇氏名蕙字若蘭陳留令武功蘇道質第三女也年十六歸于竇氏滔甚敬之苻堅寇襄陽以滔為安南將軍留鎮襄陽滔攜寵姬趙陽臺往蘇氏怨之不肖與俱而滔竟與斷音問後蘇氏悔恨自傷因織錦為回文縱廣八寸計八百餘言縱橫反覆皆成文章因以寄滔襄陽滔覽之感其意于是迎蘇氏來襄陽而歸陽臺于關中恩好愈篤焉箸有文詞五千餘言隋亂不傳止傳其回文回文有武后記言蘇氏事甚詳

皇明丁氏喬銓妻銓死無子守節四十餘年始終無玷

正德二年知縣鍾仁以聞後八年命始下知縣紹表其門

對山有李
節婦歌
銳臨胸主
簿文圓子

喬氏李銳妻銳死貧無以依挈其女居故族兄祿家織
絀自活幾四十年女子已嫁值壻死乃更與女居節操
莊嚴士大夫累言諸有司知縣瑋至始上聞于朝云

武氏之節
從王氏口
中再為敘
述而王氏
之節與孝
目箸

王氏周村人郝讓妻讓少喪父母武氏年二十餘寡居
辛苦萬狀匍匐至讓成立為取婦有子子夭乃讓亦死
王氏親邨多勸之嫁不從曰有姑在不可無與養也姑
乃更勸之王氏曰姑昔值舅亡有盛年艾容誓死不更

卷之三

人所以極辛苦者徒以讓爾今讓不幸死無能終老母
之養妾為之婦忍姑更匍匐邨于是卒意自守力作養
姑終身不衰